

საინვესტიციო პოლიტიკის და საერთაშორისო ურთიერთობების
კომისიის სხდომის

ოქმი #20

2023წ. 11 აპრილი 12.00 საათი ქ.თბილისი, თავისუფლების მოედანი #2

სხდომას ესწრებოდნენ კომისიის წევრები:

ა.ხუჯაძე, ლ.დავითაშვილი,
ნ.რუხაძე, გ.შარშიძე

სხდომას ესწრებოდნენ აგრეთვე:

ქ.თბილისის მუნიციპალიტეტის საკრებულოს ქონების მართვის და
საფინანსო-საბიუჯეტო კომისიის წევრები.

ქ.თბილისის მუნიციპალიტეტის მერიის საფინანსო საქალაქო სამსახურის
უფროსი გაიოზ თალაკვაძე და მოადგილე ლევან მიქავა.

ქ. თბილისის მერიის სსკ ქონების მართვის სააგენტოს უფროსი ირაკლი
თავართქილაძე

სხდომას თავმჯდომარეობდა:

კომისიის თავმჯდომარე

ლ.არველაძე

სხდომის თავმჯდომარე ლ.არველაძე მიესალმა დამსწრე საზოგადოებას და
სხდომა გახსნილად გამოაცხადა.

კომისიის წევრთა მიერ მოწონებული იქნა და ერთხმად დამტკიცდა სხდომის
დღის წესრიგი.

სხდომის დღის წესრიგი:

1. ქალაქ თბილისის მუნიციპალიტეტის 2022 წლის ბიუჯეტის შესრულების წლიური ანგარიშის შესახებ (12-032305945-03 01.03.2023წ.)
2. „ქ. თბილისის მუნიციპალიტეტის 50%-ზე მეტი წილობრივი მონაწილეობით შექმნილი საწარმოების ქონების (ბალანსზე რიცხული ძირითადი საშუალებების) განკარგვის (გასხვისების ან/და სარგებლობის უფლებით გადაცემის) და ინვენტარიზაციის და ამორტიზებული ან გამოუყენებელი ქონების ჩამოწერის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 30 დეკემბრის №20-100 დადგენილებაში ცვლილების შეტანის თაობაზე“ (N:12-03230973-03 07.04.2023წ)

1. მოისმინეს:

საფინანსო საქალაქო სამსახურის უფროსმა გაიოზ თალაკვაძემ ქ. თბილისის მუნიციპალიტეტის 2022 წლის ბიუჯეტის შესრულების წლიური ანგარიში წარადგინა.. გაიოზ თალაკვაძემ აღნიშნა, რომ, თბილისის მუნიციპალიტეტის 2022 წლის ბიუჯეტის შემოსულობების გეგმა განისაზღვრა 1 493,203.1 ათასი ლარით, ფაქტობრივმა შესრულებამ შეადგინა 1 526,019.2 ათასი ლარი, ანუ გეგმის 102.2%. თბილისის მუნიციპალიტეტის 2022 წლის ბიუჯეტით განსაზღვრული შემოსავლების გეგმა 1 388,103.1 ათასი ლარი, ფაქტობრივად 1 412,235.6 ათასი ლარით შესრულდა, რამაც გეგმის 101.7% და მთლიანი - შემოსულობების 92.5% შეადგინა. ეკონომიკური განვითარების საქალაქო სამსახურის მიერ 2022 წლის ბიუჯეტის შესრულება განისაზღვრა შემდეგნაირად:

04.01 ბიზნესის სტიმულირება

2022 წლის გეგმა - 1,369.3 ათასი ლარი დაფინანდა - 1,264.7 ათასი ლარით, რაც გეგმის 92.4 %-ია. გამოფენა-გაყიდვა „თბილისური ბაზარის“ ფარგლებში მოეწყო: საახალწლო გამოფენა-გაყიდვა „თბილისური საშობაო ბაზარი“, „გაუსინჯე თბილისს გემო“, „სოციალურ საწარმოთა ნაწარმის გამოფენა-გაყიდვა“, „სოციალური საწარმოების B2B გამოფენა“ (დონისძიების ფარგლებში შედგა: 177 B2B შეხვედრა სოციალურ საწარმოებსა და ბიზნეს კომპანიებს შორის, ჩაერთო 71 ბიზნეს კომპანია, 35 საერთაშორისო და ადგილობრივი არასამთავრობო ორგანიზაცია, 14 სახელმწიფო და დიპლომატიური ინსტიტუტი, 8 საგანმანათლებლო დაწესებულება), “KNIFE SHOW“ -

დანების გამოფენა-გაყიდვა თბილისი 2022“ (მონაწილეობდნენ ქართველი ოსტატები, რომლების ლითონის მასალისგან ამზადებენ სხვადასხვა პროდუქციას); თბილისის მერიის ორგანიზებით ჩატარდა ადგილობრივი ეკონომიკური განვითარების საერთაშორისო ფორუმი. ასევე, მონაწილეობა იქნა მიღებული საერთაშორისო სიმპოზიუმის “The Next Generation Of Cultural Spaces” დასკვნითი ნაწილის ორგანიზებაში და ფინეთ-საქართველოს ბიზნეს ფორუმის (მონაწილეობას იღებდნენ ფინელი და ქართველი დიპლომატები, ქართულფინური ბიზნეს ასოციაციის, საბანკო და კერძო სექტორის წარმომადგენლები) ორგანიზებაში. ასევე, გადახდილ იქნა შრომითი ხელშეკრულებით დასაქმებული პირების შრომის ანაზღაურება და ა(ა)იპ „საქართველოს დამსაქმებელთა ასოციაციის“ მიერ გაწეული მომსახურების ხარჯი; ევროკავშირის გრანტის თანადაფინანსების ფარგლებში ჩატარდა: გამოფენა-გაყიდვა „გაუსინჯე თბილისს გემო“; ექსპორტის მხარდაჭერისა და პრე აქსელერაციის პროგრამის ფარგლებში დაგეგმილი ღონისძიებები; ჩატარდა ტრენინგები ბიზნესის წარმომადგენლებისთვის (Facebook live - ტექნოლოგიების 199 სწავლების და მისი გავლენის შესახებ ბიზნესზე, Facebook live - ვორკშოპი ფინტექით დაინტერესებული მეწარმეებისთვის, Facebook Live - დაფინანსების მოპოვებით დაინტერესებული ბენეფიციარებისთვის); ონლაინ ტრენინგ კურსი - კონტენტ მარკეტინგის შესახებ: Facebook Live - როგორ დავწერო საგრანტო განაცხადი, მარკეტინგული მიდგომები და ტრენდები თანამედროვე მარკეტინგში; ღონისძიება - „ანგელოზი ინვესტორების ვიზიტი თბილისში - III საერთაშორისო სამიტი“ (სამიტის ფარგლებში თბილისს ესტუმრა 16 დელეგატი იტალიის, ესტონეთის, საბერძნეთის, პოლონეთის ანგელოზ ინვესტორთა გაერთიანებიდან და ევროპის ანგელოზ ინვესტორთა გაერთიანებიდან), ანგელოზ ინვესტორთა ქსელ "აქსელის" ორგანიზებით ინვესტორებისა და სტარტაპების შეხვედრა, ციფრული სამიტი "Touch 2022“, ევროკავშირის საგრანტო პროექტის დახურვის ღონისძიება; ევროკავშირის გრანტის - „ბიზნეს აქსელერატორის შექმნა მცირე და საშუალო ზომის კომპანიების მდგრადი განვითარებისათვის“ ფარგლებში მცირე და საშუალო ბიზნესის ხელშეწყობის და მათი პროდუქციის პოპულარიზაციის მიზნით მოეწყო გამოფენა-გაყიდვა „თბილისური ბაზარი“;

გადახდილ იქნა: საკონსულტაციო, სარეკლამო მომსახურების, ოფისის დასუფთავების და პოლიგრაფიული მომსახურების ხარჯები, ექსპორტის მხარდაჭერისა და პრე აქსელერაციის პროგრამის ფარგლებში მიმდინარე ღონისძიების მონაწილეთა კვებით გამასპინძლების ხარჯები, შეძენილ იქნა ბრენდირებული საქონელი, ბანერი ამოსაქაჩი სტენდით და სხვა ღონისძიებები. მიმდინარე წლის განმავლობაში ბიზნეს აქსელერატორ სპარკის ორგანიზებით ჩატარდა სხვადასხვა ღონისძიებები და სერვისებით ისარგებლა 800-ზე მეტმა ადამიანმა, ჩატარდა 100-ზე მეტი კონსულტაცია დაინტერესებული ბენეფიციარებისთვის სხვადასხვა თემებზე (მათ შორის: როგორ დავიწყო ბიზნესი, როგორ დავარეგისტრირო ბიზნესი, მარკეტინგული სტრატეგიის შემუშავება, ბიზნეს მოდელის დახვეწა, საგრანტო განაცხადების მომზადება, დაფინანსების შესაძლებლობები); სხვადასხვა საერთაშორისო პარტნიორებთან თანამშრომლობით ჩატარდა 4 საერთაშორისო ღონისძიება; ბიზნეს აქსელერატორ სპარკის ექსპერტების მხარდაჭერით შემუშავდა 10 ბიზნეს გეგმა და გაკეთდა საგრანტო განაცხადები; ჩატარდა 17-ზე მეტი ღონისძიება - ტრენინგების ვორკშოპების და საინვესტიციო შეხვედრების ჩათვლით.

04 03 თბილისის განვითარების კვლევები, სტრატეგიები და პროექტები

2022 წლის გეგმა - 43.4 ათასი ლარი, დაფინანსდა 100%-ით.

საანგარიშო პერიოდში თბილისის მერიამ მონაწილეობა მიიღო უძრავი ქონების პირველი საერთაშორისო კვირეულის ღონისძიებების ორგანიზებაში, ეკონომიკური განვითარების ხელშესაწყობად ჩატარდა „საცხოვრებელი უძრავი ქონების ბაზრის“ კვლევა, დაიბეჭდა თბილისის შესახებ საპრომოციო მასალები (გზამკვლევი - „თბილისის გიდი“).

04 04 თბილისი – საერთაშორისო ქსელებსა და პროექტებში

2022 წლის გეგმა - 11.8 ათასი ლარი, დაფინანსდა 100%-ით.

გადახდილ იქნა Delice Network-ში გაწევრიანების საწევრო გადასახადი.

04 08 თბილისში შემომყვანი ტურიზმის მხარდაჭერა

2022 წლის გეგმა - 14,728.7 ათასი ლარი, დაფინანსდა - 14,718.9 ათასი ლარით, რაც გეგმის 99.9%-ია. საანგარიშო პერიოდში თბილისის მერიის ორგანიზებით ტურიზმის სფეროს წარმომადგენლებისთვის ჩატარდა სემინარები: "გიდები თბილისისთვის", თბილისის ტურისტული პოტენციალის ხელშეწყობის, ბაზარზე არსებული გამოწვევების გამკლავებისა და ტურისტული პროდუქტების პოპულარიზაციაში კერძო სექტორის როლის ზრდასთან დაკავშირებით - "გიდის პროფესიული უნარები", „ღვინო და გასტრონომიული ტურიზმი“, "ოქროჭედურობის მემკვიდრეობა და ტრადიციები ძველ და თანამედროვე თბილისში", „გასტრონომიული ტურიზმის განვითარების თავისებურებები, ღვინისა და სურსათის შეხამების ძირითადი პრინციპები, ღვინით მასპინძლობის ეტიკეტი და მომსახურების ტიპები სხვადასხვა დაწესებულებებში“; ტურიზმის განვითარებასთან დაკავშირებით, მონაწილეობა იქნა მიღებული ქ.მადრიდში გამართულ ტურისტულ გამოფენაში - „FITUR 2022“ (თბილისის მერიასთან ერთად მონაწილეობდა აჭარის ტურიზმისა და კურორტების დეპარტამენტი და 12 ქართული კერძო კომპანია), ქ.თელავივში გამართულ ტურისტულ გამოფენაში - „IMTM 2022“ (თბილისის მერიასთან ერთად მონაწილეობდა აჭარის ტურიზმისა და კურორტების დეპარტამენტი და 10 ქართული კერძო კომპანია), ქ.კატოვიცეში ჩატარებულ მე-11 მსოფლიო ურბანულ ფორუმზე, ქ.ზაარბრუკენში ჩატარებულ გერმანიის საერთაშორისო თანამშრომლობის საზოგადოების (GIZ) კავკასიის ქალაქთა ქსელის კონფერენციაზე (შემოთავაზებული იქნა თანამშრომლობა ოთხი მიმართულებით: კონსულტაცია/ინფორმაციის მიწოდება, ქალაქების ფორმირება/PR, საერთაშორისო კონფერენციების ორგანიზება და მხარდაჭერა და Workshop-ების ორგანიზება), ქალაქ ქუთაისში გამართულ რეგიონალურ ღონისძიებაში „მერები ეკონომიკური ზრდისთვის“, სანმარინოს რესპუბლიკაში ჩატარებულ „ევროპის ეკონომიკური კომისიის ურბანული განვითარების 83-ე

სესიაში“ (განიხილეს სხვადასხვა ქვეყნებისა და პარტნიორების მიერ ევროპის ეკონომიკური კომისიის სამოქმედო გეგმის Place and Life in the ECE განხორციელებისათვის გატარებული აქტივობები), ქალაქ ლონდონში გამართულ ტურისტულ გამოფენაში - “WTM London 2022” 206 (ლონისძიების ფარგლებში თბილისის მერიამ კომუნიკაცია დაამყარა პოტენციურ პარტნიორებთან, შეხვედრები შედგა სამოგზაურო მედიის წარმომადგენლებთან, ინფლუენსერებთან და სხვა პროფესიონალებთან), ქალაქ ბერლინში გამართულ სასწავლო ტურში - „მდგრადი ქალაქები: ალტერნატიულ ენერგეტიკულ რესურსებზე გადასვლის პრაქტიკა ურბანულ სივრცეებში“ (შეიქმნა შესაძლებლობა მომხდარიყო გამოცდილებების გაზიარება საქართველოს, უკრაინის, მოლდოვის, აზერბაიჯანის, ყაზახეთის და გერმანიის ექსპერტებს შორის როგორც რეგიონთაშორისი საქმიანობის ნაწილი, გაიმართა დიალოგის პლატფორმა თემაზე - ქალაქის მდგრადი განვითარება ურბანული ენერგეტიკული ინფრასტრუქტურის სფეროში. გამოვლინდა ის თემები, რომლებიც აქტუალურია დიალოგის პლატფორმაში მონაწილე ქალაქებისთვის), ქალაქ ბრიუსელში გამართულ „ვენჭურული ფილანტროპიის ევროპული ასოციაციის European Venture Philantropy Association (EVPA) ყოველწლიურ კონფერენციასა და სამიტზე (CSummit) და ქალაქ ბორჯომში საქართველის სტატისტიკის ეროვნული სამსახურის, გაეროს განვითარების პროგრამის (UNDP) მიერ დაფინანსებულ პროექტის ფარგლებში გამართულ შეხვედრაში „მონაცემთა შეგროვების პროცესის გაუმჯობესებისა და ოფიციალური სტატისტიკის მიმართ ნდობის ამაღლება“. ასევე, გადახდილ იქნა „ევროპის ქალაქების მარკეტინგი“ საწევრო გადასახადი და „Nordic ourism ollective“ - სკანდინავიის ქვეყნების ტურისტულ გაერთიანებაში გაწევრიანების საწევრო გადასახადი. ამასთან, ბიუჯეტის სარეზერვო ფონდიდან გაწეულია 14,596.0 ათასი ლარი, უკრაინიდან იძულებით გადაადგილებულ პირთა მხარდაჭერის ფარგლებში, უკრაინელი მოქალაქეების საცხოვრებელით და კვებით უზრუნველყოფის მიზნით, სასტუმროების მომსახურების ხარჯების ასანაზღაურებლად.

2. მოსმინეს:

სსიპ ქონების მართვის სააგენტო უფროსმა ირაკლი თავართქილაძემ კომისიის წევრებს დედაქალაქის რამდენიმე რაიონში უძრავი ქონების პირდაპირი განკარგვის ფორმით პრივატიზების საკითხები გააცნო (ქ.თბილისის მუნიციპალიტეტის 50%-ზე მეტი წილობრივი მონაწილეობით შექმნილი საწარმოების ქონების (ბალანსზე რიცხული ძირითადი საშუალებების) განკარგვის (გასხვისების ან/და სარგებლობის უფლებით გადაცემის) და ინვენტარიზაციის და ამორტიზებული ან გამოუყენებელი ქონების ჩამოწერის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 30 დეკემბრის №20-100 დადგენილებაში ცვლილების შეტანის თაობაზე“).

აღნიშნული ცვლილების მიხედვით, მუნიციპალური ნარჩენების სეპარირების პროცესში მიღებული ნარჩენების მესაკუთრე გახდება მომსახურების გამწვევი პირი შპს „თბილსერვის ჯგუფი“, რომელიც განახორციელებს ნარჩენების სეპარირებულად შეგროვებას, მათ წინასწარ დამუშავებას და შემდგომში ამ დაგროვილი მეორადი რესურსის (მუყაო, პლასტმასი, მინა, ჯართი, ხე) რეალიზაციას და შესაბამისი ღირებულების ამოღებას, ხოლო ამ ეტაპზე არასასარგებლო ნარჩენები კვლავ განთავსდება ნაგავსაყრელ პოლიგონზე.

შპს „თბილსერვის ჯგუფის“ 100%-იანი წილის მესაკუთრე არის საჯარო სამართლის პირი ქალაქ თბილისის მუნიციპალიტეტი. 50%-ზე მეტი წილობრივი მონაწილეობით შექმნილ მუნიციპალიტეტის საწარმოთა ქონების (ბალანსზე რიცხული ძირითადი საშუალებების) განკარგვის (გასხვისების ან/და სარგებლობის უფლებით გადაცემის) და ინვენტარიზაციის და ამორტიზებული ან გამოუყენებელი ქონების ჩამოწერის წესი დადგენილია ქალაქ თბილისის მუნიციპალიტეტის საკრებულოს 2014 წლის 30 დეკემბრის №20-100 დადგენილებით.

ამასთან, აღსანიშნავია, რომ ქალაქ თბილისის მუნიციპალიტეტის საკრებულოს 2023 წლის 17 მარტის №23-17 დადგენილებით ცვლილება შევიდა „ქ. თბილისის მუნიციპალიტეტის ქონების აუქციონის ფორმით პრივატიზების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 22 დეკემბრის №19-72 დადგენილებაში. კერძოდ, მითითებულ დადგენილებას დაემატა მუხლი 71, რომლითაც განისაზღვრა სეპარირებული შეგროვების შედეგად მიღებულ ერთგვაროვან მუნიციპალურ ნარჩენებზე აუქციონის გამოცხადების წესი, თუმცა მითითებული სამართლებრივი აქტი არის უფრო ზოგადი ხასიათის და შესაბამისად, საკითხი ეხება იმ ქონებაზე აუქციონის გამოცხადებას, რომლის მესაკუთრედაც განსაზღვრულია 50%-ზე მეტი წილობრივი მონაწილეობით შექმნილი მუნიციპალიტეტის საწარმო - შპს „თბილსერვის ჯგუფი“.

ყოველივე ზემოაღნიშნულიდან გამომდინარე, „ქ. თბილისის მუნიციპალიტეტის 50%-ზე მეტი წილობრივი მონაწილეობით შექმნილი საწარმოების ქონების (ბალანსზე რიცხული ძირითადი საშუალებების) განკარგვის (გასხვისების ან/და სარგებლობის უფლებით გადაცემის) და ინვენტარიზაციის და ამორტიზებული ან გამოუყენებელი ქონების ჩამოწერის წესის დამტკიცების შესახებ“ ქალაქ თბილისის

მუნიციპალიტეტის საკრებულოს 2014 წლის 30 დეკემბრის №20-100 დადგენილებაში
შედის მითითებული ცვლილებები.

სხდომა მიმდინარეობდა კითხვა-პასუხის რეჟიმში.


კითხვები დასვეს: ნ.რუხაძე, ლ.დავითაშვილი ა.ხუჯაძე, გ.შარაშიძე

მოწვეულმა სტუმრებმა ყველა შეკითხვას ამომწურავი პასუხი გასცეს.

ყოველივე ზემოაღნიშნულიდან გამომდინარე, ქალაქ თბილისის
მუნიციპალიტეტის საკრებულოს ეკონომიკური განვითარების, საინვესტიციო
პოლიტიკის და საერთაშორისო ურთიერთობების კომისიამ საკითხები შეაფასა
დადებითად და მიზანშეწონილად მიიჩნია საკრებულოს სხდომაზე განსახილველად
გატანა.

ლ.არველაძემ სხდომა დახურულად გამოაცხადა.

სხდომის თავმჯდომარე



ლ.არველაძე